






1397




後村先生大全集

一八







後村先生大全集卷第七十二

外制

皇弟太師武康軍節度使判大宗正事嗣榮王
與萬三代謚贈

故高祖太師秦國公子爽追封周王賜謚元
肅朕隆棣華之友愛加厚於天倫念葛藟之本根皆
原於祖訓發百年之潛德節一惠以追榮具官某故
高祖具官某恂恂族黨之間肅肅閨門之際雖高才
不試世但知公子之賢然陰隲尤多里素有善人之
譽積此餘慶施于後昆朕因覽班書參稽漢事文與

彭祖易名彼得其一偏王視古人較德此為於全美
有如英爽無魏褒崇

故曾祖太師齊國公伯昨追封楚王賜謚節

朕廣累朝睦族之恩嘉介弟崇親之志雖肯王大國
褒崇極一字之封然潛德幽光鬱積歷百年之久乃
褒逸事備著贊書具官某故曾祖具官某挺麟宗近
屬之英值羯虜亂華之變為醜類所執而往矣伺守
者之迫而斃之履屯而亨抗志不撓范蠡去而變姓
陳平羸而刺船長嘯借一帆之風赤手活萬人之命
當千騎肆模金之暴潛性故鄉舉二親已埋玉之喪

歸散寓里其處家國之際豈非今古所無戴白之老
能說汗青之筆未載噫朕節二惠非由議郎博士之
言史不一書永為忠臣孝子之勸可

故祖太師魯國公師意追封吳王賜謚宣獻

朕有介弟賢如文恭孝事親忠事君允蹈先訓物本
天人本祖誰無是心參稽節惠之文昭示發潛之義
具官某故祖具官某生重光之世有令聞於時虬鬚
天人遠矣神明之宵麟趾公子藹然信厚之風九引
翼於後昆皆胚胎於玉考史官失其逸事故老記為
美設參沈約賀琛之群言蔽以獨斷合河間竟陵之

後村先生文集
二美錫茲嘉名益衍慶源永垂後裔可

故高祖太師秦國公子奭追封周王

朕加厚天倫追榮先德以世家而論人才自古已然如水土之有本原其未遠矣英爽維九京之隔褒崇極一字之封具官某故高祖具官某稟大雅不群之資生太平無事之際蕭然衡泌壯圖未展於風雲修於家庭素行見推於月旦果上穹之福善慶奕葉之生賢儻非侈第土之恩何以慰棣華之志噫惟乃四世祖亦朕屬藉之親其以大邑周為王賜履之國可

故高祖妣秦國夫人王氏贈周晉國夫人

仁人於弟隆一時友睦之恩婦爵從夫極四世褒崇之寵具官某故高祖妣秦國夫人王氏出烏衣之名族儼麟趾之宗英靡好紛華相安隱約宜家宜室寔始開後人之祥如山如河既追封小君之號朕舉

皇朝之曠禮慰正印之孝思以衍慶源以旌懿範昔荒穰雍蓋循典故之常今益晉周用廣湯沐之邑可

故曾祖太師齊國公伯昨追封楚王

周封姬姓之國尤重宗盟漢非劉氏不王遂為家法朕篤友于之至愛發逝者之幽光既錫嘉名遂躋極品具官某故曾祖具官某生富貴而負軼群之氣履

忠難而包周身之防忠孝兩全仁智兼盡近者因詞
臣之固請命太史而特書首遵守舊章已冠乎五等
之爵今褒崇大節何靳於一字之封其改全齊俾王
故楚可

故曾祖妣齊國夫人劉氏贈楚越國夫人

朕篤厚倫之愛察尊祖之情孝於親忠於君已光汗
簡之載正乎外位乎內宜旌彤管之賢度越常彞舉
行曠典具官某故曾祖妣齊國夫人劉氏本卯金之
裔儷磐石之宗俾夫子能垂久遠之名亦小君有相
儆戒之道礪礪落落如日月王既加茅土之封委委

佗佗如山河爾宜異筭珣之禮其賜二邦之湯沐以
為九原之寵光可

故祖太師魯公師意追封吳王

古者封建同姓蓋以宗強天之報應善人常於身後
朕加厚天倫之愛載褒世德之賢具官某故祖具官
某典刑老成被服儒雅嘜菽飲水之樂修於家庭重
珪壘組之祥施于孫子慨先朝之耆舊嘉介弟之顯
揚雖宰木成陰冠劍之藏已久然分茅裂壤綸綍之
言維新自曲阜而移封合全吳而賜履可

故祖妣魯國夫人石氏贈吳魯國夫人

後村先生文集 卷之六十一
朕友愛于弟褒崇其先行修於家凜祖風之如在言
不出相蓋女子之未知爰錫贊書以昭懿範具官某
故祖妣魯國夫人石氏截髮之事躡斷機之訓嚴原
奕世貴盛之由皆大母賢淑所致孫方濟美以真王
而襲封夫既追榮豈婦人之無爵改湯沐於二國萃
恩徽於一門可

榮 恭王故外孫魏閔孫贈承奉郎直秘閣
尔名相之孫名法從之子而朕介弟之甥也幼慧而
敏蓋童烏倉舒之倫苗而不秀朕甚傷之其以京秩
中秘告尔墓可

太保右丞相兼樞密使兼太子少卿賈似道封
贈三代

故曾祖太師魯國公嗣業追封魯國公

國家歲事於礼筵人神肯悅臣子追封於三世宰輔
則然極昭代之褒崇表前人之積累具官某故曾祖
具官某樂名教之地食經訓之舍世称鄉里善人知
之淺矣古有丘園隱德庶乎近之生能安於一尊二
簋之貧歿不逮乎萬鐘五鼎之養傳家嫡細書於渠
觀至孫曾紀績於旂常焚老上之庭漢地息傳烽之
警祀文王於廟錫京有奠枕之安妙算卓然慶源遠

矣噫飲福受祚孰先麟閣之元勳裂壤分茅仍啟龜
蒙之舊宇寵光優渥英爽哀榮可

故曾祖母魯國夫人於氏贈魯國夫人

燔燎之礼行于合宮湯沐之封及于曾廟既告成于
熙事必推本於慶源具官某故曾祖母魯國夫人於
氏秉德淑均宅心慈恕冲約安荆練之輒功言合圖
史所書觀石常空截髮而其容誦絃不輟圓胆以課
兒惟其積之豐而取之廉所以嗇其前而昌其後挺
生端揆顯相精裡回郊息羽檄之虞九扈奏金穰之
喜追榮三世足慰重泉噫告江漢淮夷之功相予宗

祀啟曲阜東蒙之宇為爾脂田永播徽音益蕃耒裔

故曾祖母魯國夫人於氏贈國夫人

榮燎之礼既成厥施斯晋石窀之封雖舊其命維新
既典領於頭廳宜褒崇其先廟具官某故曾祖母魯
國夫人於氏賢淑如周南再詠幽閒有林下之風敬
夫如賓不嫌於舉案歸妹以娣所賴以績絃居常欣
度序而熏雌不待高門閭而容駟積是餘慶在其後
人江漢浮浮湯湯繡成功而獻捷宮廟雖肅肅肅慶
熙事之告成祭澤可通於漏泉慈容豈隔於長夜辟
公率周多士寔爾家之孫曾仲子為魯夫人視惟垣

之爵邑可

故祖太師越國公偉追封越國公

類于帝裡于宗既成裸薦之礼物本天人本祖皆有	顯揚之心載嘉元台使領之功追獎王父義方之訓	具官某故祖某官某貫穿千載之學鼓吹六經之文	以科目之名儒逢乾淳之真主青蒸照夜部瀛洲十	八士之游畫戟行春在漢家四干石之重有其志而	無時命非其身必在子孫續紀旂常名垂竹帛施及	調元之老歸然安社之臣王命來宣武夫洗洗而虓	怒公率以祀多士濟濟而駿奔真再造於皇圖宜首
----------------------	----------------------	----------------------	----------------------	----------------------	----------------------	----------------------	----------------------

褒於祖德成洛邑祭清廟允資顯相之勞探禹穴上
會稽不改舊封之太顧如精爽服我寵靈可

故祖母越國夫人於氏贈越國夫人

衮衣相祀實總統於元台錦告追崇遂褒崇其王母	緬懷賢範加厚徽章具官某故祖母越國夫人於氏	履行懿恭惟姿和順俗尚閭閻求王謝之華宗世為	婚姻有朱陳之古意及夫子已雙旌而五馬	不副筭而六珈傅子至孫出將入相游蒐之	助祭之士駿奔既撤姐霈漏泉之恩乃出綸為幽	之寵噫國之大事惟祀成洛邑之肅雍家之積
----------------------	----------------------	----------------------	-------------------	-------------------	---------------------	--------------------

餘仍會稽之湯沐於今鮮儗其後益蕃可

故祖母越國夫人陸氏贈越國夫人

注黃流之潔已畢精裡補彤管之遺追勞慈訓新
疏渥幽隧有光具官某故祖母越國夫人陸氏通
華宗作嬪名士繼室以責子見謂淑賢舉按知孟光
尤相賓敬懿範可儀於族黨慶源萃見於子孫
旂常志安社稷掃清妖祲永絕投鞭之謀收名
威在奉璋之列暮畫皆允台之力胚胎由玉母之
維文駟雕軒生不拜小君之號然錦囊金詔沒猶
大國之封苗裔相承熾昌未艾可

故父太師魏國公涉特進封魏郡王

朕率由舊章楫袂元祀奉璋助祭冠使領於合宮
俎均釐先宰衡之祿廟絜英爽尚存於遺烈豈褒崇
可恨於常尋具官某故父具官某蔚乎名臣事我寧
考入則簪華持橐而上雍出則輕裘緩帶而師邊紅
袖之降附滋多玉帳之規愜甚遠忠臣義士知祖述
誓江之心故老遺黎悲宗澤過河之志事我太史慶
鍾象賢於皇家有再造之功為漢考績未成之緒露
布奏行營之捷氣裊掃清衮衣侍清廟之祠月星明
概九今者彌縫之妙用皆向馬傳授之義方噫文右

饗之成禮賴上公之相魏大名也剖符峻異姓之王
益闡幽光永垂來裔可

故母魏國夫人史氏特贈魏韓國夫人

朕聿隆孝治肇舉宗祈右之饗之爰霈漏泉之
我復我誰無凱風之思况元勳方佩于安危豈慈
可稽于崇獎具官某故母魏國夫人史氏自生貴閥
婉于名臣如友如賓肯以牛衣而動念從夫從子孰
云象服之不宜柰何鳶鶴之別離弗覩麒麟之圖畫
乃者外騰戎捷內講精裡邊陲罷傳拆之虞郡國奏
嘉禾之瑞皆爾三遷之教致茲再造之功熙事既成

迺賜文武之昨徽音未遠其荒韓魏之封存沒有光
哀榮鮮儼可

生母秦國夫人胡氏特封秦齊國夫人

聖人饗帝施大賚於群臣君子篤親况元台之賢母
載嘉懿範申錫贊書具官某生母秦國夫人胡氏稟
淑惠之姿有平均之德是生名宰光輔眇躬屬者璽
裘逞航葦之謀鼎祚危綴旒之勢南陔養志每扇枕
問庭闈之安北堂教忠遂投袂徇國家之急指麾而
鼉足再奠談笑而旄頭一空人皆誦端揆之功相則
曰聖善之訓露布馳捷書奏適重屋之慶成壽觴舉

慈顏和寔頭廳之叔見魚軒容與鳶告輝煌荒兩大
國之封寔維異數回百官班而賀可繼前聞茂對寵
光永綏第祉可

故妻華國夫人綦氏特贈楚國夫人

朕銷弭外虞嚴恭大孰礼成昨飲先傾之忠

及漏泉矧率衡之伉儷具官某故妻華國夫人綦氏

產祥華族作媿元勳齊案相冥肯發烹伏雌之難斷

絃莫續豈勝榛別鶴之悲維流彤管之芳徽不覩袞

衣之貴顯出征萬里空漠南之王庭入率群公朝洛

邑之清廟成績有太常之紀追榮及中饋之賢啟宇

嵩昔已峻小君之號移封鄆郢今宜賜大國之
名惟淑靈歆此休寵可

朝請大夫試中書舍人兼直學士院洪勳弟朝

請即直敷文閣兩浙運判壽封贈父母勳贈妻

故父端明殿學士諡忠文也贈宣奉大夫咨

夔可特贈銀青光祿大夫

藏厥父配帝之祠需昭天漏泉之澤允通朝藉追

榮皆及於九泉况烈廷紳濟美有如於二季其加錫

命以獎義方具官某故父具官某節高而名全身沒

而言立陸勢百篇之諫亘古不刊鄭公一鑑之亡至

今追慨遠矣積慶萃于象賢詩禮庭趨若伯魚之善
學絲綸世掌何謝鳳之足云屬餒惠之溥行想英風
之如在銀青之秩慰人不養之悲燎黃于阡使天下
知為善之報可

故母普寧郡夫人阮氏可特贈平陽郡夫人
婦爵從夫已峻小君之號母貴以子載加大郡之封
具官某故母普寧郡夫人阮氏嫔我名臣賢哉內則
半生隱約居常井臼之同搵一旦顯融曷不筭珣而
偕老宰木已拱庭蘭競芳生不厭於荆練沒乃疏於
湯沐瀧岡表阡之作何以加諸凱風寒泉之悲可少

慰矣可

勲故妻宜人張氏可特贈令人

朕推祭澤于天下小大之臣其親若嬪皆被恩渥況
吾法從之令妻乎尔早嬪華宗克相夫子鄙牛衣之
卧泣和熊胆以課書雜賢淑可流彤管之芳然奄忽
不覩藁砧之貴其加五命以賁九原可

通議大夫守荆部侍郎兼國子祭酒兼侍讀

江萬里弟承議郎新差充提領犒賞酒庫所
主管文字萬頃封贈父母

故父燁任奉議郎致仕已贈朝請今擬贈奉

顯頤理學本珣之賢軾輟文宗亦洵之教爾
 潛心太業養氣至剛傳經若西京之儒林著錄多北
 面之弟子蓋嘗擢置廷尉之屬且為親瀝韋齋之題
 奄終者老賴有家嫡食尔詩書之澤冠吾獻納之班
 扈蹕甘泉奉璋清廟類于上帝哉嘉顯相之勞祭以
 大夫少報義方之訓可

故母令人陳氏今擬贈碩人

尔有仲妻辟纒之搽故夫為名士有 母畫荻之訓
 故子為名臣及見其夫列王官子長御史可謂榮矣
 属者朕饗帝親尔子寔扈属車上雍維尔之宰朱已

拱可無餒惠以獎義方可

萬里故妻令人黃氏今擬贈碩人

詩詠魯侯之令妻史傳漢京之列女昔所聞者今亦
 有之爾上承舅姑下睦嫗族攷其四行合女誠之七
 篇胡不百年與君子而借老其霈漏泉之澤以為黃
 壤之榮可

萬里妻鄧氏今擬封碩人

昔曾鞏序列女傳歎後世學問之士多徇外物顧利
 恥者往往以家自累朕讀而加之惟汝夫子為吾近
 臣中嘗卷懷退遠者十有四年有考槃之樂而無華

軒之美豈非爾能攻苦食沒有傲戒相成之道而然歟際澤流行肆命汝從夫之爵汝益敬共以對休寵可

事奉大夫試工部侍郎兼太子詹事揚棟弟武節郎擢權知江陰軍事履之封贈父

故父任武德郎已贈大甲大夫端仲特贈

通奉大夫

蜀無它姓之楊世家各異肩有靜恭之族苗裔益蕃眷予法從之臣由爾義方之訓具官某故父具官某大門礼法前輩典刑識面卜鄰多交友鉅人長德把

麾出守不鄙夷小國寡民修齡八之尊美子萬金之產乃推餽惠以慰孝思噫藁葬一丘返青神而尚遠爵登三品燎黃誥而有光可

朝請郎權礼部侍郎兼侍講詹文杓封贈父母

妻

故父九齡贈奉議郎

樂記曰祀於明堂而民知孝朕推祭澤於海內臣子之疎遠者且得以榮其親况貴而逝者乎爾李易有師法居里有賢譽雖終身不解褐而死然小宗伯遠為朕言語侍從之臣彼謂天道逶迤儒効迂闊其論

有不然者矣議即之秩有司常典方將屢書不一書以告爾墓可

故母安人陳氏贈令人

婦人從夫之爵為夫在言也夫歿則從子矣尔之夫終老布衣而子貴為法從今茲燎黃于阡議即再命而令人五命烏序亦足以發萊妻孟母之幽潛矣可

故繼母安人周氏贈令人

先賢如尹柏奇曾參之流皆以善事繼母為孝令人之慈子也有平均之盡母道為小宗伯之奉母也無前後之異盡子道為鶯語象服併為尔寵幽明有

知對越休命可

妻安人陳氏特封令人

士大夫位望通顯有為居養所移者况女婦乎尔之夫子起書生位禁從尔清笄如處糟糠之日冲約不改荆練之舊其賢如此可以笄珈而偕老矣可

中大夫試吏部侍郎兼太子左庶子王禴弟奉

議郎權知台州軍州華甫封贈父母

故父任朝奉郎致仕已贈朝請大夫夢得特

贈中散大夫

先賢以兄弟致一世盛名惟燕山竇氏眉山蘇氏當時

祿儀儼者歸美於義方之老而軾轍自相告語者亦曰其家有師噫有自來矣尔蕭然隱約不出閭巷而積於身修於家者猶足以熏晉鄙之人有龐公管寧之風是生雙璧伯為朝家魁壘之臣仲亦郡國循良之吏夫為人子者孰無榮親之志然必忠孝兩全身名俱泰如尔二子而後可以言榮盖古之所謂顯揚者在此而不在彼也茲以祭澤晉杖中散諒惟冥漠敬此寵加可

故母令人胡氏時贈碩人

昔季路有負米千鐘之感孟子有前士後大夫之辨

此為祿不洎養者言也爾庭蘭競秀昔不以華軒之陳于庭者為喜宰木已拱今豈以黃誥之燎于阡者為榮哉噫人誰無子至於立朝則古之遺直牧民則古之遺愛非斷机擇鄰之訓而然致此祭澤之所必及而朕心之所深嘉而屢歎也可

爰故妻令人周氏特贈碩人

曠蕩之典極昭滿之恩伉儷之情無沒存之間尔以望族嬪于名卿敬君子而無違可書彤管哀若人之不淑莫續斷絳屬餽惠之旁流嗟薇音之未遠其從夫爵以慰閨魂可

資政殿大學士正奉大夫汾江制置使知建康府馬光祖郊恩封贈三代

故曾祖已贈少保千里特贈太保

竣合宮之熙事不擁蕃釐眷顯聞之名臣方膺隆委爰推慶典加賁曾門具官某故曾祖具官某養素家林游心藝苑絳帳諸生之授熏染師資白眉五常之良源流世德至老埋光而鏤彩于今墮祉而發祥繁尔有孫為予分陝顯祖祖陪於禮禮追崇宜視於政途申伯于蕃任莫尊於居守名公為保榮奚間於出明可

故曾祖母崇國夫人葛氏特贈福国夫人

配天其澤寵光首逮於迓聯徽土而封伉儷並崇於曾廟肆稽舊典申錫愍章具官某故曾祖母崇國夫人葛氏本出高華來娉鴻碩動循礼敬恪羞澗藻之共親授詩書及見階蘭之秀積累端由於世德安危方託于閭戶礼視鈞樞恩加湯沐福不專卿爰均惠於麟符逝者有知尚欽承於象服可

故祖已贈少傅之純特贈太傅

裡于宗類于帝餒惠方行非其身在某孫慶源甚遠爰頒祕典加賁泉扃具官某故祖具官某尚友古人

潛心大業聯名鴈塔韓歐為同榜之後游講道牛谿
房魏多及門之高弟富有茂陵之後藻僅終康海之
顛興惟嗇於前遂昌厥後藏祀既陳於駢享分膳首
逮於麟符肆繇孤卿晉陟帝傳祭則受福誕霽燔柴
之恩沒而有知對越而槐之寵可

故祖母吉國夫人樓氏特贈慶國夫人

專閭分憂體貌既均於二府合官竣事寵光亦逮於
九矧如王母之賢加峻封君之弼具官某故祖母
吉國夫人樓氏門高四近德著三從禮敬如賓可書
於彤管義方訓子不羨於金籬鍾慶後人賜名大國

噫佩麟符而建旗鼓所宜均飲昨之恩奉鸞語以白
松楸足少慰舍館之念可

故父已贈少師正己特贈太師

予嘉乃績邊籌允賴於制垣父教之忠祭澤必先於
祔廟爰躋極品以慰孝思某故父具官某襲詩禮之
親傳視軒裳而若况乘下澤御歎段有少游之風施
絳帳居高堂無季長之侈是生鴻碩方佩安危屬裡
祀之告成與臣鄰而飲福念陪京留鑰之重阻宣室
前席之咨慶霽既行具瞻采峻噫禮嚴壯荐昭吾事
帝之心詩美鷹揚遂尔榮親之志可

故母惠國夫人伍氏特贈衛國夫人

敬祭重祠既奉類禋之典報本反始難忘頽復之恩
載加制閭之賢勞嘉厚親闈之寵數具官某故母惠
國夫人伍氏功言咸備禮法自防清節凜然鄙牛衣
之卧泣義方嚴甚和熊胆以助勤鍾慶輔臣分憂方
岳維主陪京之鑄亦均宣室之釐昔啟宇羅浮已極
魚軒之貴今移封淇澳益增馬鬣之光可

故母肅國夫人葉氏特贈相國夫人

掃地而祭霈皇家漏泉之恩裂土而封慰賢子凱風
之念乃疏寵渥以發幽潛具官某故母肅國夫人葉氏

迪德温恭宅心慈恕家無甌石相安織履而辟纊門
有軒車不但剪髮而市酒推本由三遷之教產祥為
一代之英笄珥不及於生前湯沐追崇于身後茲由
駿惠復峻徽章噫移相臺之封次國固殊於支郡勒
瀧崗之表先賢不假於它人冥漢有知哀榮無憾可
故妻東陽郡夫人丁氏特贈普安郡夫人

朕藏事國陽加恩閩外君子偕老悵遺恨於中閨婦
人從夫既視儀於二府音徽本遠寵數聿新具官某
故妻東陽郡夫人丁氏備班史之功言寶彤書之慈
儉屬者陪油幢而西沂俄而愴畫筵之東歸若澹相

安每感負賤糟糠之語芳菲易歇可勝死生契濶之
悲茲需金鷄之慶條加賁玉麟之賢偶湛恩所被潛
德有光稱曰小君昔已隆於命服賜名大國今益廣
於貽田可

觀文殿大學士金紫光祿大夫判平江府事浙

西兩淮發運大使程元鳳封贈二代并妻

故祖已贈太師正特追封崇國公

藏事精裡皇矣邦彛之華昧懷名宰基於祖德之傳
爰錫徽章俾先幽壤其官某故祖其官某丘園隱曜
泉石養高少游使鄉里稱為善人不求聞丘當世子

公知子孫必有興者果鍾美於後昆昔經體以贊元
今幹方而作屏顯相阻陪於宗祀追崇遠邇於慶源
已峻師垣肇開蜀土公槐極品煥先廟之衮衣宰木
成陰燎佳城之黃誥尚爾英爽散我寵光可

故祖母齊國夫人方氏特贈齊國夫人

祿秩元祀蕃釐既格於媪神肯極人臣積慶端繇於
王母乃推駮惠申錫慈章具官某故祖母齊國夫人
方氏簡澹無華温恭有度早日嚴斷机之訓素篤義
方平生慕舉案之風相安隱趣寧劬躬而壽後宜繼
世以生賢美以孫枝屹然國棟屬藩維之作屏阻左

右之奉璋碩朕懷注倚之方深豈先德褒崇之可後
作三公之媿典冊聿新奄四塞之郁封圻維舊祇承
寵渥永播芳徽可

故父已贈太師追封昌國公放特追封福國公
价人維藩夫邦維屏煩該輔之元臣聖人饗帝孝子
饗親俱函蒙於景福誕揚愍冊丕闡幽光具官某已故
父具官某與學沉潛雄文絢爛居常欲陳治安之策
不遇乃著窮愁之書文中子禮樂之傳蓋及門之高
遜伯休父卿士之任使易地以皆然惜有志而無時
乃非身之在子肆予考謹繁尔教忠森庭宇之三槐

屹邦家之一柱雖莫侑合官之享固宜均宜室之釐
進壽名都追崇祔廟噫七聚無諸之故国非若迓封
一經韋氏之傳家詎容專美凜然精爽歆此哀榮可
故母魯國夫人吳氏特贈魯國夫人


告成熙事迎后土富媪之休興念元有穎谷封人
之義迺推餽惠申錫綸言具官某故母魯國夫人吳
氏躬行備已誠之全家法嚴三遷之訓沂延州來之
胄遠有慶源媿伯休父之宗素推名閥是生英袞作
屏价藩維奉璋不及於侍祠然徹姐敢忘於致昨極存
沒哀榮之礼慰焄蒿悽愴之情噫國仍曲阜之封不更

其舊子作龍岡之表自足以傳終始哀榮幽明感慨可
故妻廣國夫人吳氏特贈周國夫人

禮成重屋首舊揆之褒崇恩及中閨慨元妃之凋謝
爰盼異數以獎徽音具官某故妻廣國夫人吳氏毓
質名門齊眉碩輔內則可書於歲史外言不入于房
帷警戒相成有道焉殆天之合天壽不貳立命也豈
人之為生徒共於糟糠歿乃霑於雨露繇番禺之偏
壤易豐錫之上都噫婢冕素衣不及覩藁砧之貴魚
軒錦誥猶足為泉窆之光冥漢有知哀榮無憾可
今妻慶國夫人汪氏特封漢國夫人

清廟祀文莫先於嚴父闕宮頌魯爰及於令妻眷台
鼎之舊臣有閨門之賢助肆因祭澤由錫恩言具官
某妻慶國夫人汪氏出自高華嬪于鴻碩隱約無牛
衣之歎賢有鵲巢之風謂婦職尤在於奉先故薦
蘋之禮肅謂母道多聳於慈子故畫荻之訓嚴屬者
蟬冕出藩魚軒並駕雖職守阻陪於大祭然霈恩亦
逮于小君使吳會右扶之間見漢廣二南之化羅舞
八介媪神之蕃釐副筭六珈美君子之偕老叙承休
寵式燕壽祺可

後村先生大全集卷之七十二



後村先生大全集卷之七十三

外制

少保保寧軍節度使充萬壽觀使謝奕昌封贈三代
故曾祖已贈太師連封魯王景之持贈太師餘如故
朕成民而後致力於神既嚴恭於薦享祝釐而不專
鄉其福爰敷錫於親賢罔班備孤株之儀顯相畢燔
榮之禮哀時嘉既燕及曾門具官某故曾祖具官某
高蹈丘園素耽墳籍易曰必有餘慶理之固然傳云
非此其身信而有證積善放槐庭之貴鐘祥為椒掖
之賢茲霈澤之旁流豈外嫺之可後執珪幣以事上

帝天棊惟章錫土田以保東方王封惟舊仍峻師垣
之秩以隆威畹之恩益顯前光永綏耒裔可

故曾祖母魯國夫人胡氏贈魯國夫人

惟泰元尊祭以忱而受福尔曾祖母礼推本以均釐
迺錫徽章以光出讓其官某已故曾祖母魯國夫人胡
氏功言有則法度自將爰相其夫成一家之仁遜克
昌厥後懋兩社之勲勞既開台揆之祥益衍孫枝之
福助二南之風化為六宮之表儀祭泮旁流慶源甚
遠告之新廟尚想於徂徠頌彼令妻何慙於史克可
故祖任少傅觀文殿學士致仕益國公贈太

師追封魯王謚惠正深甫特贈太師餘如故

展采親祠宗文王而配帝儀圖先正相寧考以在天
屬鉅典之熙成賴信臣之嚴扈載嘉前烈爰錫徽章
具官某故祖具官某學號儒宗材優王佐系從謝邑
鍾神氣於崧高望重東山擅風流於江左緝熙緯
康濟民生昔作股肱平相而置諸古今為肺腑非身
而在其孫眷言右族之尊已極王封之貴大祭有卑
矧喬木之世臣太師維垣仍分茅於故國尚其英爽
服此寵光可

故祖母魯國夫人林氏特贈魯國夫人

合宮肆祀繁釐錫於媪神左畹疏封介福鍾於王母
 有加懿範宜畀徽章具官某故祖母魯國夫人林氏
 脩然林下之風作此謝人之式于歸之子共美夫人
 之起家胡然而天不使君子之偕老積至孫枝而益
 衍思加宰木而有光南陽帝鄉近親首拜昨臚之賜
 惠然元妃孟子宜申湯沐之風爰世保於東方保慶
 延於後嗣可

故祖母魯國夫人林氏特贈魯國夫人

先王保衡敬惠首盼於大享繼室穀子沐封申畀於
 小君仁萬於親礼行自近具官某故祖母魯國夫人

林氏存心慈恕迪德柔嘉佐君子以求賢雷官得
 風之意正家人以外男內女如卦義所云美開僮
 之祥皆由積善之慶屬合宮之竣事宜祖廟之追榮
 奉薦誥於并有光新渥敬龜蒙之宇不改舊邦可

故文任朝奉大夫已贈太師追封衛王渠伯

特贈太師

奏薦路龍鱗之曲藏事合宮原闕惟麟趾之風均釐
 祿廟雖高爵極維師之品然宗祈推巖父之恩爰出
 新綸以昭異渥具官某故父具官某恭寬而信敏宣
 慈而惠和聞禮聞詩得諸侍家庭之際止敬止孝見

於事君親之間惟高材嗇其生前故餘慶鍾于身後
占之以夢惟女子祥貴不可言為天下母茲飲福致
昨膳之礼宜追榮及肺腑之賢噫周王子孫嚴大祭
而薦壯漢家勲戚有七葉之珥貂以古準今于斯為
盛可

故母韓楚國夫人郭氏贈韓楚國夫人

朕式祖宗之典薦此一忱后於父母之家均茲五福
乃霑漏泉之澤以慰凱風之恩具官某故母韓楚國
夫人郭氏實娶華宗汝陽貴胄雖言不出相若無可
書然善積於家必有餘慶祥鍾少麓位冠椒房推母

儀資內助之賢於聖善有如存之感茲因餽惠遠想
徽音噫荒一邦之封既倍增於湯沐筆列女之傳習
未泯於芳馨可

故妻齊國夫人吳氏特贈齊國夫人

朕 祀合宮如恩左毗惟吾亞保既面棘而曰孤慨
爾令妻不副筭而偕老乃因饑惠申錫蜜章具官某
故妻齊國夫人吳氏生天台僊佛之鄉同阜陵法從
之譜儼相家之慕貴蘋荐甚恭訓子舍以義方棣華
競爽閨門之懿朝野所推慈有事於帝親宜追榮於
賢淑噫過江名族無出於謝高裂土分封莫如於齊

大其歆新命俾奄舊疆可

通奉大夫除權吏部尚書兼直學士院陳顛伯封贈父

故父任迪功郎已贈太中大夫千能特贈通議大夫

禮報本及始既成熙事於合宮澤昭天漏泉爰及近
臣之祔廟其加異渥以闡幽光具官某故父具官某
躬寒憲膏火之勤味陋卷篋之樂積善家有餘慶
陰隲通於神明能父件教之忠陽報鍾於冢嫡出藩
入從移孝於君屬峻事於類禮遂均簾於貴近燾後
皆義方之力榮親賦法從之階噫勒石表阡會見龜
趺之揭燎黃告墓有光馬鬣之封可

大中大夫敷文閣待制知慶元府兼訟海制置使
姚希得封贈父妻

故父瑞珪贈通奉大夫

哲王明德恤祀既有事於合宮孝子立身揚名首追
崇其祔廟載加先懿爰示殊褒具官某故父具官某
詞賦之藪摩空勢利之心如水靈椿丹桂宛然寶氏
之義才白髮青衫全矣凝之之高節丹頰諸貴之推
轍靡待希年而挂冠及攜子為京師之行有買田老
陽羨之志冢嗣文聯於禁近霈恩奚間於沒存理玉
土中雖莫究生前之蘊燎黃松下猶足為身後之榮可

妻令人價氏封碩人

成禮宗祈蕃禧格於富媪加恩法從燕喜及其令妻
其官某妻令人價氏生長世代詩書之家佩服姆師
圖史之訓不出於梱未嘗知於外言相敬如賓真可
為于內則屬均餽惠始自近臣夫才伏鉞而專征尔
則副筭而偕老傳褒列女視前載以奚慙詩詠碩人
與美名而適稱可

寶章閣直學士朝散大夫知徽州周坦封贈父

故父已贈朝議大夫澈贈中大夫

禮報本反始適熙事之成孝立身揚名皆義方之力

爾善積諸已行脩於家舉卻挂之技是生魁產無莊

椿之壽不究壯圖雖韜晦於丘園屢褒崇於泉壤噫

上昭下漏廣祭統之十倫主榮死哀並從巨之一秩可

朝請即寶謨閣待制提舉江洲太平興國宮潘

凱風贈父

故父勝之已贈通直特贈朝散郎

福善之報不于其近而于其文昔者觀老選調而備

柄用洵僅一命而軾轍昂貴尔生以大宗師教其里

歿以卿先生祭于社所本毫芒不試是生賢子為朕

法從言論風旨聞于天下国人皆曰父之教也茲以

外郎療黃墓阡亦足以見天定矣可

通議大夫王齊弟奉議郎國子博士景峴封

贈父母妻

故父任朝奉郎已贈中奉大夫保天特贈通

議大夫

上帝六宗成禮滯類裡之澤一翁二季內蘊極存歿
之榮具官某行著卿閣文傳李館大庭射策早標龍
虎榜之名清廟奉璋嘗違鷲駕行之列生前半竹身後
復珠伯特蒙于甘泉仲橫經於園水際茲熙事慰彼
孝思噫昔解褐起家僅止議郎之秩今燎黃告墓遂

躋法從之階可

故母合人吳氏特贈碩人

掃地而祭澤溥被於羣二陟此之嗟爵遂加于六命
其官某故母令人吳氏荐生華闕作婉名儒翰墨祖
傳不羨衛夫人之帖範模女憲奚待曾大家之書一
念積仁二惠競爽迺緣子貴之義俾從夫爵而封噫
梓鄰之遷世久無斯賢毋表阡之作汝寔有此佳兒可
景齊故妻令人高氏潘氏蔡氏贈碩人

本古者燎裡之禮適告熙成慨近臣皦日之情載加
褒贈具官某故妻令人某氏閱家整肅約已儉勤婉

伯薦之清高相安若沒逮仲卿之貴重已隔出明廷
加徽音宜被祭澤噫魯詠令妻之喜悵偕老之莫諧
衛歌碩人之賢錫如名而無愧可

承務郎知信州玉山縣丞趙時萍封母

母刘氏可特封太孺人

吾甚重高年有司言尔九袞加一可謂之壽母矣其
錫初封以慰尔子榮親之意可

迪功郎婺州東陽縣尉張龍應封父

父壽在特封承務郎致仕

吾甚重高年有司言尔九十有四紹興之遺民也其

昇京秩以慰爾子榮親之意可

從官明堂加恩

寶謨閣直學士正奉大夫提舉江州太平興

國宮奉化郡開國侯食邑一千二百戶表商

加食邑三百戶

小心以事上帝既享於中辛大賚而富善人可遺於
一老式稽舊典溥錫徽章具官某繼踵世科單傳家

李法駕扈從論思常冠于嚴徐偉衣從游調護尤高

於園綺誰惟乞鏡湖之興未忘存魏闕之心屬者有

事國陽加恩海內環顧奉璋之列興懷聽履之臣迺

出綽以旌賢俾分茅而胙土意對宣室鬼神之間尚
欲諮詢繪洛社耆英之圖益緩壽遐可

顯謨閣學士宣奉大夫提齊江州太平興國宮

六合縣開國子食邑六百戶徐臬加封三百戶

尚書表具官某机鑿精明器能英濟都民設趙京兆

之政敬之如神送人憚毛尚書之情甚於畏法雖懼

買山之高吳未忘存闕之丹心下同

朝散郎寶章閣待制知建寧府永嘉縣開國

男食邑三百戶陳坊加封二百戶

帝有合宮既陳杜荐王多吉士各効駿奔興懷扈蹕

之臣阻與奉璋之列屬推餽惠溥錫徽章具官某窮
理際乎天淵制行凜乎玉雪鷄翹豹尾幾年立特索
之班虎節麟符所至留憩棠之愛乃者朕裡重屋卿
牧潛藩維莫殫顯相之勞然不替朝宗之志爰稽舊
典俾拓新封噫宣室席前良渴賈生之對潁川詔下
深知黃霸之賢

朝議大夫試中書舍人兼直學士院兼同修

國史寶錄院同脩撰兼崇政殿說書洪勳依

前官職時封錢塘縣開國男食邑三百戶

小心而事上帝既慶熙成天資而富善人當從近始

迺如法從宜有湛恩其官某繼踵世科單傳家學危
言謹論居然追先正之風大冊高文足以鼓天下之
動屬歲中辛之祀實陪上雍之睽舊典礼多所講求
新詔令皆其潤色爰加采地以獎豪班噫受宣室之
釐聳聞精論第甘泉之頌獨擅雄辭茂對寵嘉益衰
福祉可

大中大夫敦文閣待制知慶元府兼沿海制

置使鄞縣開國男食邑三百戶姚希得進封

開國子食邑加二百戶

小心而事上帝既享于合宮大賚而富善人可遺於

分闡載稽舊典溥錫徽章具官某禁省名臣藩宣重
德繼李藩批勅屢奮筆以回天從裴度視師盍聯鑣
而向闕屬勤弄印頌爾建才麟符為諸鎮之雄鯨浸
無一波之警妖氛盡掃熙事告成緬懷宣力之臣宜
在均釐之數噫駿奔清廟奉璋阻列於譽髦鳳集穎
川逸表莫先於太守姑飲餽惠嗣有褒綸可

資政殿學士提舉臨安府洞霄宮信安郡開
國公馬天驥食邑三百戶

小心以事上帝既畢於宗祈大賚而富善人可遺於
舊弼其頒異數庸廣湛恩具官某鍾間氣之祥負倫

魁之望出臨方岳勤勞四國之蕃宣八秉事机密勿
一堂之唯諾曾未展為霖之手乃不為偃月所容久
寂々以閉閣每倦々而存闕屬予裡類念爾滯留燔
柴之礼莫陪食美之米地宜拓噫肆丹鳳門之青式
隆賜胙之儀詠白駒谷之詩未替懷賢之意可

寶章閣學士通議大夫提齊江州太平興國

宮嘉興縣開國伯食邑九百戶陸德輿進封

嘉興郡開國侯加封三百戶

欵重屋於季滴參用案朝之制扈屬車而上雍緬懷
八座之賢廼出贊書以均餼惠具官某文章鼓天下

之動言行蹈君子之中夕瓊塗歸朝野憚表高之直
天官典選門庭凜毛珩之清脫履藩垣幅巾衡泌方
奉璋之多士助祭而未獨聽履之舊臣祝釐于外爰
推裡需加拓戶租噫建漢家之封帳滯留於太史奉
宣室之間恩名見於賈生諒無遐心行有親渥可

寶章閣直學士朝散大夫知徽州周坦特封

瑞安縣開國男食邑三百戶

九筵天饗礼既畢於藩柴八座舊臣思宜豐於食菜
具官某以西清學士之貴為東方諸侯之師昨屬精
裡緬懷宿望奉酎金而獻廟阻於侍祠執蒲壁以就

封昉茲開國邦晏具在餽惠必均前席問洛陽之人
朕渴聞於高論賜璽褒穎川之守卿益懋於外庸可

宣諭空名告詞三道

令人

夫官五品媵封令人法也不以夫而封者恩也爾其
可不知恩之所自哉可

恭人

夫為元士媵封恭人法也不以夫而封者恩也爾其
可不知恩之所自哉可

安人

夫至外郎媵封安人法也不以夫而封者恩也爾其
可不知恩之所自哉可

宣諭空名贈告詞五道

令人

婦人贈爵媵夫若子曰令人者蓋五品官之母妻非
夫非子而進爵之者國家之異恩也爾雖冥漠寧不
哀榮可

恭人

婦人贈爵媵夫若子曰恭人者蓋元士之母妻非夫
非子而進爵之者國家之異恩也爾雖冥漠寧不哀

榮可

宜人

婦人贈爵祇夫若子曰宜人者蓋正即之母妻非夫
非子而追爵之者國家之異恩也尔雖冥漠寧不哀
榮可

安人

婦人贈爵祇夫若子曰安人者蓋外郎之母妻非夫
非子而追爵之者國家之異恩也尔雖冥漠寧不哀
榮可

孺人

婦人贈爵祇夫若子曰孺人者蓋陞朝官之母妻非
夫非子而追爵之者國家之異恩也尔雖冥漠寧不
哀榮可

皇太子册妃

慈憲王夫人家贈告十五道

曾祖安民才伴特贈太保追封唐國公

朕加厚友恭有懷慈憲息施在戚既鍾慶於一門貴

極上公又追榮其三世具官某游心墳典屏迹立園

為善恐人知信矣耳鳴之諭陰德有陽報甚於響應

之加爰及孫曾寔生賢媛朕察鵠原之念母喜鶴禁

之冊妃方隆慈孝之至情豈限褒崇之常典噫周立
太保列面槐之班唐有異方錫分茅之壤是為殊淮
庸聞出光可

曾祖母邊氏特贈唐國夫人

儲極好逮既沂慶源於慈憲曾門加惠併褒內則之
淑賢迺出絲綸以光窈窕某氏勤生苦澹勵志靜專
有伯鸞婦之風昔為隱髻有于陵妻之孫靡厭辟纒
竟能遂夫子之高不及觀孫女之貴鶴禁甫諧於嘉
耦魚軒宜賁於外姻噫揭肝表於南陽恩徽尤異疏
沐封於東武伉儷俱榮可

祖份已贈武翼郎特贈太傅追封豫國公

朕友于朱印及青宮慈愛最隆睦外家而尤厚哀施
榮兩畫豈王父之可遺具官某温恭德人寬厚長者款
段下澤清貧不改於儒癯文駟離軒貴盛寔基於祖
德屬儲妃之封拜宜世廟之褒崇噫大傅周官面槐
陰之峻豫州荆地叶松萝之祥冥漠有知對揚無憾
可

祖母單氏已贈恭人特贈豫國夫人

慈顏已遠於崇藩慶鍾猶子公爵既加於祖廟婉合
從夫某氏秉性幽閑奉身冲約素勵龐嫂萊妻之操

安於清貧曾有許負唐舉之倫異其風骨果孫枝之
貴盛嗟宰木之老蒼屬皇家舉希濶之儀於戚畹厚
褒崇之典賜粉田於天國品極魚軒燎黃誥於寒原
先生馬鬣既驗異人之奇中丞為外氏之美設可

父大節已贈慶遠軍節度使特贈太師追封

徐國公儲妃連慈憲之宗親親之意也祿厓峻公師

之爵貴貴之義為延賜恩言以旌潛德具官某信道

甚薦好善最優平昔且評著美名於里閭一朝天定

鍾餘慶於門楣茲作婉於元良亦東賢於華族既諧

吉礼追獎義方噫建節封侯鶴表之題已久分茅胙

土膺揚之拜維新燾爾後人欽予休命可

妣南陽郡夫人王氏贈徐國夫人

頤復甚勤報德之心罔極禹明雖異榮親之意則同
爰多國封以光泉窆某氏愼慈是寶礼法自閑孝敬
著于藩房長厚聞於州里攻苦食淡蓋隱君子之令
妻隴社發祥寔王丸之賢母並全四德胡不百年
然一門貴仕於天朝而奕葉聯姻於帝室屬者儲君
運儼猶子來嬪端由世積而然咸曰母儀之力噫彭
城湯沐增拓於戶租防墓封崇有光於宿草可

伯已贈忠訓郎思聰贈潭州觀察使

王者無私之言豈非公論聖人盡倫之至必用吾情
具官某前輩典刑逸民標致求之者蓋惟龐德公近
之稱為善人如馬少游足矣有賢猶子寔王夫人屬
重締於國姻併追榮其尊行昔加勇爵殊未慰於九
原今陟廉車蓋視儀於兩禁可

伯母贈安人王氏贈碩人

朕曠揀華之外氏重締國淵攸彤管之內言載嘉世
母肆加殊渥追獎徽音爾礼法自持功言咸備毋以
貧故少墮舉柔之恭教之義方微示斷机之意芝生
連戶玉映閨房茲遂二於儲妃乃褒崇其尊行始古

吉夢允符女子之祥終錫嘉名無愧碩人之詠可

伯已贈宣教郎太中贈銀青光祿大夫

朕於私親靡不用情而加厚爾其伯父固宜越格以
追榮具官某書蟠胸中志抗事外郡國無舉孝與廉
之詔徒修於家山林有游仙招隱之詩乃遊于野遠
儲妃之貴盛歎族老之凋零噫金紫惟亞一階足彰
尊寵燎黃以後十品聊發禹潛可

伯母贈安人陳氏贈高平郡夫人

冊拜儲妃甚矣慶源之遠封加世母旌其尊行之賢
某氏謙柄力持礼防自守辟纊織屨相安衡泌之貧

服冕乘軒不見門閭之衣茲來嬪於元子亦適遇於華宗溥錫思徽寧分存歿秩高銀信宜從夫子之階詔侈金花追賁小君之號可

凡已贈和州防禦使純夫贈保寧軍節度使朕友于同氣若為慰念母之心遠矣慈顏猶仰休愛凡之意乃疏殊渥以賁重泉其官某廉甚取名勇於求志短彙細字積勤不偶於生前疊組重珪餘慶徐現於身後介弟薦舅甥之誼儲妃續姑姪之姻茲為尔家稀濶之榮可限有司褒崇之典噫出綸告墓徒悲風木於瀧岡授鉞登壇尚應星躔於寶婺諒而精

奕啟此寵光可

嫂贈令人趙氏贈淑人

朕念介弟之孝思恩其自出擇儲妃於望族誼亦因親爰出綸言以旌壺範某氏荆練性澹中祝禮嚴族稱立嫂之賢睦於妯娌天厚善人之報宜尔子孫諧吉禮於春宮分寵光於夜壤噫管彤垂世何慙列女之書燎黃告所誰謂若人之不淑可

堂弟武翼郎昭孫贈金紫光祿大夫

慈憲薦友恭之誼恩寧厚於弟昆元良諧窈窕之述情莫親於父子出綸告第拖澤漏泉具官某博雅好

修精明練事久議上閣兩牧專城所至有甘棠之成
陰其歸雖意改而不載家無馱石初靡求於人知女
作門楣亦可觀於天定甫成告礼追獎義方噫金紫
之穿遂超遷於二品燎黃以白猶照映於九泉可

弟婦孺人趙氏贈新興夫人

朕孔懷王即敢遺外氏之姻擇配儲宮樂得高門之
女恪共婦戒追獎母儀某氏挺秀宗姬來嫔孺孩以
女公事慈憲自牧謙卑從夫子出蕃宣備嘗險阻
生賢媛寔儷元良誰獨無錫爾類之心世安有遺其
親之理噫鶴禁鳳輦方以三朝而問安象服魚軒胡

不百年而介福宜歆殊渥永播徽音可

親屬王氏特贈淑人

朕素薦友恭念外姻之族頗聞賢淑亦母黨之親屬
拜儲妃追榮邦媛尔以慈為寶以礼自防與同氣有
連朱御之所甚厚然内言不出彤管莫得而詳生無
浮榮歿有潛德際春宰之吉礼分夜壤之寵光噫列
女之傳所書難求逸事淑人其儀不感爰錫嘉名可

榮文恭王親屬封贈告四道

贈奉直大夫錢沆贈龍圖閣侍郎

常棣貴介之親朕尤加厚喬木世臣之後尔獨能賢

茲諧吉礼於儲宮爰錫愍章於姻黨具官某辯智而
閎達敏惠而恭寬生仁皇大長主之家不移于居養
傳寧考昭文相之嫡尚有於典刑向使未墜埋於幽
冥必共享玉潤之富貴宛其死矣何以贈之噫追榮
麒麟卧冢之墟信為希濶候對龍馬負圖之閣寧不
哀榮可

贈安人陳氏特贈令人

朕孔懷予季加厚所親屬進拜於儲妃併追榮其近
屬徽章之異贈典所希尔亟盥礼戾荆綵性儉如映
藩即身如居衡泌之間德著卿閭言不出桐幃之內

惜莫覩春宮之吉礼猶俾分夜壤之寵光曩限常晏
固已列于命婦今加美號孰謂無於令人可

堂姪贈朝奉郎與華特贈容州觀察使

朕惟克典垂親族之訓魯經著追命之文未能忘在
原之情是用霈漏泉之澤具官某鴈行挺秀麟族称
賢鄉黨恂恂卑以自牧官廡肅肅容止可觀胡為天公
子之妙年不及見儲宮之吉礼噫漢宗室之屬藉予
豈忘之唐容管之廉車尔無憾矣可

堂姪婦虞氏封碩人

朕誦隸華之詩有懷群從美栢舟之志無愧古人因

儲妃初拜之時旌近屬甚高之行尔盛矣閑閱媚于
藩房榮華不羨於笄珈蘋藻克共於鈞釜凜若靡它
之誓煥乎非常之恩噫節婦還珠之吟沆全雅操碩
人衣錦之詠遂享令名可

後村先生大全集卷之七十三

後村先生大全集卷之七十四

外制

執政初除封贈

同簽書樞密院事江萬里封贈三代并妻

故曾祖英贈太子少保

棟明堂扶大厦木之棟根者深注鎔野决宣房河之
發源也遠茲登崇於宥府爰推本其曾門具官某故
曾祖某質定而去華個儻而危義門有崩緜之客倒
屣起迎室無甌石之儲輝金未已居里著躬行之譽
傳家留手澤之書施及樞臣基於祖德噫由布衣而

亞孤保寧非積業而耒奉綸言以白先人可謂哀榮之至可

故曾祖母沈氏贈齊安郡夫人

朕進擢輔臣推原先德蓋其積累非崛起於一朝及此祭崇遂追榮於三世其官某故曾祖母沈氏儉慈為寶禮法自防節食縮衣鉅鉛華而不御辟纁織屨甘井白之同搯族姻稱賢州里懷惠有是福德施于孫曾噫亞孤卿之班夫既躋於昂貴加小君之號爾其啟於沐封可

繼曾祖母葉氏贈恩平郡夫人

赴同沈 具官某繼曾祖母葉氏風致蕭然林下地位來自佛中晨興課貝葉之書精勤不輟日晏陳供蒲之供苦波自持斥始嫁之奩裝作新興之檀越有是福德施于孫曾下同

故祖璘贈太子少傅

為善無近名要終不見陰德有陽報自古而然偉樞臣該輔之賢獎王父義方之訓具官某故祖某元酒太美之氣味光風霽月之胸襟身在澗阿心潛伊洛固閑深高而自潔真知寔踐之兩充王通薄有田廬弗願仕也孺子不出閭巷至今稱之卓行為一時之

師積慶驗再傳之後屬余良弼乃尔聞孫噫系出江
公足見源流之遠官同疏傅寧非冥漠之榮可

故祖母巢氏信安郡夫人

弼臣之重幾劫所脩王母之賢再傳未遠推本紫樞
之積慶寢索彤管之徽音具官某故祖母巢氏沉默
寡言溫恭向善哀窮周急居常脫珥而抽簪為子留
宴亦或截髮而市酒每於予而求取不問家之有無
孫曾益蕃門戶遂大屬初該輔可緩疏恩噫曰亞傅
之松 寵光特異賜小君之湯沐伉儷俱榮可

故父燁贈太子少師

有子世濟其美既共政於機庭能任父教之忠首加
恩於禰廟但見善人之報速孰云儒者之效迂具官
某故交某氣塞兩間學包衆甫摠腹憤胸奇之蘊作
為文章經口講指授之人皆有師法朕親灑章齋之
扁爾幽棲廬阜之山道大故莫能容位卑未之行志
雖登八秩竟老一丘疇於人合於矢所存方寸非其
身在其子果執事樞昔者聞之過庭今為推以謀國
戴嘉先訓爰出新論噫參謀古官生僅如於杜甫宮
師極品歿乃似於蘇洵可

故妣陳氏已贈淑人今贈高平郡夫人

帝賚良弼登崇於宥密之司天報善人著驗於顯揚之際推原慈訓播告愚言具官某故妣陳氏出有華宗婉于名士慕載良女安知有時世之粧為伯鸞妻相與尋隱居之服及見夫登鷺序子長鳥臺掃空暝外之浮榮透徹胸中之覺性洎斗樞之初拜愴風木之不留昔與鶴髮耕綿上之田今奉鸞誥白隴岡之墓噫萬鍾五鼎莫舒人子之悲副筭六珈其錫邦君之命可

妻淑人鄧氏封永嘉郡夫人

相儆戒以成室家元賴中閨之助非慶霈而封伉儷

蓋優二府之臣典故具存寵光特異具官某妻鄧氏動循禮度綽有功言達事舅姑甘服勤於水菽毋違夫子真如鼓於琴瑟族姻咸德其仁慈臧獲莫窺其喜愠迺疏湯沐以獎淑賢噫昔牛衣困庀而相安色無隕獲令象服委蛇而非泰理有乘除祇若訓辭益綏福履可

同知樞密院事兼參知政事何夢然封贈三代并妻

故曾祖贈太子少保汝能贈太子太保

大旱之作霖雨必水氣上於深源廣廈之有棟梁必

木本萌於厚土茲進賢於容勿乃原始於高曾具官
某故曾祖某學得古人之心行在吾人之目飽參帥
友卓博性理之書作為文章獨無封禪之蒙鄉黨盖
將尸而祝郡國不及刻以聞為善而弗求知積德而
未食報茲焉踰渥于以發潛噫埋玉土中生不覩孫
枝之貴燎黃原上歿猶加孤棘之榮可

故曾祖母恩平郡夫人俞氏贈臨海郡夫人

樞庭共政方有賴於外壤曾祖追崇烏可遺其內助
具官某故曾祖母俞氏寶慈持儉習禮明詩採彼澗
蘋享不嫌於二簋甘於水菽食何待於萬錢萬生再

世之英不衍百年之澤賢哉懿範錫以恩言噫遺慶
聞孫爾之曾祖母移封佳郡亦曰君夫人可

故曾祖母恩平郡夫人郭氏贈臨海郡夫人

進陟樞庭付以籌帷之任追崇曾祖及其繼室之賢
伉儷攸同恩榮不異具官某故曾祖母郭氏著姓勲
裔作媿華宗昔播其徽音續絃而鼓琴瑟今祭以盛
服瑱玉而飾笄珈善人之報豈迂賢佐之生有自其
疏異渥以賁重泉噫舊制踈郡君未極魚軒之貴新
封移天姥有光鶴表之題可

故祖贈太子少傅松贈太子太傅

同寅協恭賴廟謨之夾輔報本反始原祖德之自來
乃錫恩言以彰潛德其官某故祖某兼該定學一往
深情明本統之正傳推緒餘而私淑已空鶴帳猶聞
隱君子之風雖徹鼻比可受鄉先生之祭宜有起家
之彥蔚為共政之臣茲晉陟於紫樞乃追榮於青禁
噫散金而賙字族生不諧隨傳之心容車而大門閭
久始驗于公之語可

故祖母清河郡夫人杜氏贈和政郡夫人

宜尔家室厥維婦功在其子孫時乃天道既追榮於
王父盍儼美於妣親具官某故祖母杜氏礼法自閑

功言咸備夫子嘉其隱服苦沒趣同鄰女分其績燈
榮華念薄務力行於土善衍餘慶於丹傳茲陟事樞
乃加封爵噫萬鍾五鼎鮮及於大母之時副筭大珈
盍祭以小君之礼可

故父贈太子少師達贈太子太師

折衝禦侮允資籌帷之長能仕教忠寔本趨庭之訓
乃隆贈典以慰孝思其官某故父某行中準繩文諧
韶濩諸生起敬願師何蕃而若留薄官無心欲吏朱
雲而未可解印歸鹿門之隱傳家付鳳穴之雛親授
義方養成偉器帝賚良弼為社稷而萬生汝有佳兒

與國家而同慶宜其壽考胡不憇遺茲追命於宮師
可大書於墓表噫內脩外攘之事進英後以疆本朝
生榮死哀之文敬天下之為人父可

故母永陽郡夫人張氏贈饒陽郡夫人

進德則尊朝廷樞机攸寄揚名以顯父母典冊具存
祔廟追榮中閨偕命具官某故母張氏出自名譜婉
于鉅宗老聃有云復慈為寶班昭復 德可書昔

波薄之從夫今巖融之有子載加湯沐俾白松楸噫

唐制郡夫人見謂尊秩普珪博陵國遂荒大邦耶

故母永陽郡夫人厲氏贈饒陽郡夫人

元老在朝國斯重矣婦人從子爵亦如之延登帷幄
之臣推本家庭之訓其官某故母厲氏積勤絲枲薦
敬蘋繁躬蹈禮閑男女內外正矣力行善事宗族鄉
黨稱為耆三釜於生前貴六珈於身後載嘉懿範追
錫愍章噫欲養不留莫報鳴鳩之德揚名以顯為疏
鉅鹿之封可

故妻信安郡夫人陳氏贈歷陽郡夫人

紫握該輔方叶贊於謀謨彤管徽音乃追榮其伉儷
具官某故妻陳氏功言內則謨範女師相安一尊二
蓋之貧可謂賢矣不待五鼎萬鍾之貴其如命何屬

延登廊廟之初首褒錄閨門之懿噫糟糠義重悲手
澤之尚留湯沐思新錫脂田而改命可

今妻齊安郡夫人郭氏封濟陽郡夫人

帷幄勝籌既延登於良弼笄珈盛飾乃褒寵其令妻
舊典則然徽音斯稱具官某妻郭氏宅心慈恕秉德
淑均昔隱於牛衣無戚戚之色今被之象掃有謙謙
之容屬王姬築魯館之初以命服侍鎬京之冥委佗
之儀獨盛肅雝之礼以成矧密贊於廟謨宜顯褒於
壺範噫婦人從夫之裂地以封君子偕老之詩宜
家有餘慶可

同知樞密院事兼提領戶部財用兼知臨安府
充兩浙西路安撫使馬光祖封贈三代并妻

故曾祖贈太傅千里贈太師

人勝天天定勝人有徽福於後世子生孫復生子
知積慶於曾門眷密之勛賢奉榮親之典故具官
某故曾祖某高矣沉冥之趣超然廣莫之瀕講畫為
文詞母隱乎子子忠信行州里熏德者幾千人雖
為善無近名然陰德有陽報薦生碩輔宜錫徽章噫
維石巖之褒錄極公師之峻佳城鬱燦黃增翁仲之
榮可

故曾祖母秦國夫人葛氏贈齊國夫人

兩地之臣寵恩特異三世之廟伉儷兼榮乃錫褒章以嘉懿範具官某故曾祖母葛氏得氏上族作配名人錡釜之奠享先恪共禮訓俎豆之鄰居子雅著義方善慶有餘徽音浸遠論報普前而豐後移封自西而祖東噫昔者起家積累有毗於夫子今茲開國顯揚少慰於曾孫可

故祖贈太師之純追封永國公

積善餘慶之家必有興者陰德陽報之論詎不信然眷樞臣共政之初嘉王父母嫡傳之訓具官某故祖某

擢奉常之上第友前輩之間人閉戶深居寔歷多著書之日題輿別乘清設無岸幘之風門中之名集獨高席下之執經甚衆不責效於淺近惟種德於久長墓題躋極品之官國爵加上公之命噫降年不永乃追封水之間死日猶生尚可作九原之下可

故祖母越國夫人樓氏贈魏國夫人

朕進擢迎臣推原先世詩詠夫人之德美其起家禮諱王母之名况於逮事賢哉壺範寵以隧章具官某故祖母樓氏稟性惠柔持身節儉房帷甚肅未嘗聞梱內之言錡釜必親于以共牖下之奠勤勤善行贊

贊義方慶下施於枝孫恩移封於木女念含飴之日
垂鶴髮以如存想為僖之時奉寫胎而昭告可

故父贈太師告國公正已追封慶國公

北斗魁樞明陟者英之重南山喬木端繇先訓之嚴
爰美教忠載加封爵其官甚故父某知德之奧味道
之腴澹薄趣深安簞歎之樂而不改榮華夢絕視軒
冕之物為儻來鄙皆薰其善良士率經其講授論交
猿鶴多漁樵爭席之人接武夔龍即詩禮過逢之子
追獎稱廟進封大邦噫永言孝思嘆公歸之不復嘉
名肇錫信家慶之有餘可

故母齊國夫人伍氏贈周國夫人

樞機嚴基命之地予欲汝為典冊著榮光之文爾有
母遺孝思維則雖死猶生具官某故母伍氏能順能
柔有言有德配於陵之蕪士不厭辟纊慕婦儒仲之賢
妻何慙擁絮惟力行於上善斯薦佑於佳兒良粥登
崇徽恩追報考封君於漢累加啟國之稱曰大邑之
周益侈表阡之制可

故母魯國夫人葉氏贈越國夫人

臣武邴武樂勳賢之共政顧我後我美孝子之念親
乃加新榮以慰永慕具官某故母葉氏秉心慈恕迪

德溫恭毅子繼室之賢從夫儆戒孟母擇鄰之教資
予弼諧屬峻陟於星樞想重悲於風木載嘉慈範申
昇恩章噫石窆之封蓋妻增於華秩鏡湖之賜尚益
稱於芳靈可

故妻南陽郡夫人丁氏贈同安郡夫人

士脩於家元賴相成之道婦貴于室不諧偕老之情
眷予龐臣閔其賢媿具官某故妻丁氏珩璜德盛管
金札共辛棄齊眉之風儆戒毋違於夫子植蠹建牙
之日謙卑不異於新嬪俄聞悼脩悅之遺不及覩介
圭之覲茲暖登於邁列乃追美於淑儀噫伉儷至懷

誅尚悲於手澤言容如在思載錫於脂田可

觀文殿學士通奉大夫提舉臨安府洞霄宮

熠初除贈二代

故祖已贈太師德一特追封吉国公

延思班峻既疏寵於弼巨積德門高必追崇於祖烈
庸盼異渥以貢幽其官某故祖其官某德隱弥彰
才歆莫試陶公扁舟之興掩鼻功名桃推傳舍之規
無心富貴爰鍾善慶厥有聞孫思因政地而加班拙
師垣之峻急流勇退共推宣靖之高風大國啓封越
在文忠之舊里可

故祖母慶國夫人蕪氏贈齊國夫人

名門毓德既傳子而至孫書殿疏恩必因祖而及妣
本此追榮之典慰其永慕之心具官某故祖母慶國
夫人蕪氏儀則出閒性資惠淑思素髮舍館之樂曾
奉慈顏及妙手穿揚之時可勝孺慕雖已極魚軒之
貴更宜加鸞誥之榮家固喜於慶餘由于積善罔莫
加於齊大以此移封

故父已贈太師賁亭永國公追封衛國公

還政高風峻紫宸之禁直教忠餘慶發黃壤之幽光
拓茅土以維新向松楸而永慨具官某故父具官某

潛心墳籍棲志邱園道積于躬有攷古窮經之學慶
鍾厥後為謀主斷國之臣已加極品而面槐宜奄大
邦而食菜湖江舊宇常頌楚些之招洪與新封遠想
衛風之美尚其歌此嘗若存弓可

故母福國夫人吳氏贈魏國夫人

臣哉宣力左右初陽峻班母兮生我劬勞實鍾餘慶
載稽舊典爰錫新綸具官某故母福國夫人吳氏奉
案禮爰斷机教薦春秋承祀奉澗沚之蒸蘋鬼神福
謙生階庭之蘭玉圖任極鴻樞之貴追榮加象服之
華稱曰小君嘗胙閭都之土賜名大國遂荒金魏之

疆以慰孝思以旌積善可

故妻清源郡夫人俞氏贈安定郡夫人

邃殿隆名之峻既寵弼諧空閨遺桂之悲追榮伉儷
可無異數以獎徽音其官某故妻清源郡夫人俞氏
積德起家擇賢作配將安將樂未忘竹筍之貧一死
一生不見臺砧之貴將少慰鳶離之恨宜更加象服
之華向祔于姑有屏攝再三之告大啓爾宇易高平
第一之邦可

端明殿學士通議大夫同僉書樞密院事兼
太子賓客楊棟初除封贈三代

故曾祖已贈和州防禦使光庭特贈太子少保
羊舌氏累百世久著源流龍飛榜第二人今登輔弼
昇曾門之贈典示政地之異思具官某故曾祖具官
某稟眉山之英傳靖泰之譜大父參涪翁詩筆不憂
黨禍之株連乃翁贊老種義旗欲抹中原之版蕩生
僅總戎於一道歿能食報於百年乃峻文階於昭善
慶噫壁埋黃壤昔曾哀百失之防爵列青宮今遂秩
貳公之扶可

故曾祖母令人程氏特贈號郡夫人

兩 臣寵光特異三世之廟伉儷兼榮具官某故

曾祖母令人程氏得氏高華未嬪豪俊如賓相欲昔
嘗炊糜彥而烹雉有子不憂後乃高門閭而容駟雖
音之浸遠顧善慶之有餘貴由孫曾爵視公輔懷
薰蒿之餘愴已隔故邱啟湯沐之新封遂荒佳郡可
故祖已贈吉州刺史知章特贈太子少傅
同寅協恭資廟謨之夫輔報本反始原祖德之自來
乃播明綸以華幽室其官某故祖具官某分岷峩之
秀河洛之清授穀城之一編獨得要領覽魚復之
八陣小試緒餘鬱志士之壯圖薦曾孫之嘉慶乃茲
命以進封噫疏傳賜宗族之心不諧于昔于公

大門閭之語始驗於今可

故祖母宜人宋氏特贈捷為郡夫人

安危之寄繫於弼臣哀榮之文及其王母具官某故
祖母宜人宋氏有言有德能順能柔濡染書香清矣
荆釵之節據依箴筆煒如彤管之言惟上善之力行
故後人之嘉賴乃盼徽典以慰出竟噫始嬪故家建
鼓旗而拜夫將茲揭新表宜筭劫而稱小君可

故父任武德郎已贈正議大夫端仲特贈太

子少師

運籌決勝允資廟筭之良委質教忠寔本庭聞之異

爰加贈典以獎義方具官某故父具官某志抗雲霄
 評高月旦生嚴君平 仲元之後遠企前脩游陳元
 方鄭康成之間飽參諸老浮沉簿官鬱積壯圖蜀無
 他揚之家華宗特盛實有一椿之老桂子能芽茲峻
 陟於振庭乃追崇於禰廟噫駕朱轡而剖符竹尚設
 州牧之賢德燎黃誥而白松楸茲拜官師之峻哀榮
 之極今昔所稀可

故母淑人史氏贈清江郡夫人

國用儒真莫重於本五兵之仕母以子貴莫榮於間
 兩社之初具官某故母淑人史氏譜出名門礼行中

閭儉慈為寶若老氏之所云言德可書恨班昭之不
 作勤勤舉按之際切切斷机之時懿範孔嘉愍章式
 称噫萬鍾五鼎傷哉為養之心副笄六珈祭以如生
 之礼可

故妻淑人孫氏特贈高平郡夫人

進紫振之迎列允賴弼諧嘆赤管之內言追榮伉儷
 具官某故妻淑人孫氏積勤絲泉若敬蘋繁井臼同
 操能相安於沒薄笄珈盛飾不偕老於顯 可無徽
 章以賁函安噫書接著姓悲手澤於舊廬澤邑相攸
 移沐封於新邑可

今妻淑人孫氏特封信安郡夫人

儒者在朝仕莫隆於共政婦人無爵札固許於從夫
 具官某妻淑人孫氏生文懿之名門嬪靖恭於華胃
 昔一村二姓執婦禮之謙卑今四世五公見夫家之
 昂貴載稽典舊加禮弼臣既祖祚之追榮豈閨門之
 可後噫一樽二盞前浚泊之相安副筭六珈後顯融
 而非泰可

後村先生大全集卷之七十四

後村先生大全集卷之七十五

外制

中大夫參知政事兼太子賓客何夢然封贈三代
 故曾祖已贈太子太保汝能特贈少保

追榮三世之上惟吾輔臣申命數月之間時乃異與
 既授以政宜顯其親再官某故曾祖其官某師六學
 之微言友一國之善士鄉黨不能言者孰測其高深
 丘壑自謂過之獨安於寂寞無功名之心用世有詩
 書之澤傳家天善應於吉人國挺生於賢佐深嘉先
 德載錫徽章噫昔大帶深衣豈有仕不逢之嘆今繡

裳赤烏尚歆祭如在之榮可

故曾祖母臨海郡夫人俞氏特贈吉國夫人
擢賢該輔冠于見執政之班追命疏榮及其曾祖母
之廟具官某故曾祖母臨海郡夫人俞氏珩璜美盛
錡釜禮恭清節自將見舉業敬伯鸞之日內言相勉
有斷机感樂羊之風宗族稱賢室家胥慶惟積仁於
一念宜食報於三傳揭鶴表於舊阡正昭壺範易魚
軒於大國加拓沐封可

故曾祖母臨海郡夫人郭氏特贈吉國夫人
進位郡公之上參東國成追榮王父之賢載嘉內助

具官某故曾祖母臨海郡夫人郭氏譜高勳闕儀謹
禮防號班昭大家動應箴規之美以教子繼室雅如
琴瑟之和不苟為一旦之謀宜積有有年之澤噫孫
人生子駟車加大於慶門婦之從夫象服遂荒於大
國可

故祖已贈太子太傅於特贈少傅

立政惟用常人既登參預逮事則諱王父宜在顯揚
申錫密章在昭醴渥具官某故祖具官某遂山林之
高蹈擅鄰國之譽言實氏有義才競攀於丹桂韋族
以經教非遺以黃金今吾四輔之賢為爾再傳之嫡

轉廳伊始告廟尤榮噫古者置傳之官遂躋於三少君子抱孫之意少慰於九京可

故祖母和政郡夫人杜氏特贈永國夫人

弼臣之貴既陟黃扉王母之賢宜書

表墓甚榮具官某故祖母和政郡夫人杜氏舉柔禮

恭斷机訓幼少始知學教五子以義方長為擇交友

一鄉之善士衆論稱其閨門之懿諸老發之金石之

文福雖耆於土前報每豐於身後噫荒寒陵郡重拜

於新封表瀧岡何慙於前輩

故父已贈太子太師達特贈少師

今立政立事之臣爾其大者不在身在子之論朕有感焉慰其陟屺之恩贈以表阡之爵具官某故父具官某家世之所積素師友之所講明若鄭老無疆未免寒於座客使温生入幕肯圖利於大夫以微恙而休官寧終身而求志趙岐遺令預題逸士之稱杜牧自銘不假他人之筆是生秀傑滋拜疑丞遠尋積慶之源推本教忠之善噫聖有立身揚名之訓何惜追崇古者二公洪化之官斯為極品可

故母饒陽郡夫人張氏特贈惠國夫人

予嘉乃績參東國均子慰母心追加婦爵具官某故

母饒陽郡夫人張氏高華著氏澹薄從夫祀先祖於
牖下之時采蘋及藻窺賓客於屏間之日判藁為芻
生也復勤歿而尊顯茲未周於歲籥復申昇於宸綸
羅浮兩山有璇室瑤房之勝湯沐大國侈魚軒象服
之榮可

故母饒陽郡夫人厲氏特贈惠國夫人

政地之臣參吾國論祿廟之配昇爾隨章具官某故
母饒陽郡夫人厲氏志行淑均功言肅敬持家以約
著高節於辟繡訓子甚嚴凜義方於斷織雖莫留於
鼎養亦屢錫於綸恩作室勤哉啟國榮矣昔者擇隣

於卸邑無如母賢今為表墓於瀧岡果以子貴可

故妻歷陽郡夫人陳氏特贈會稽郡夫人

朝廷之上進德則尊閨門之中潛美可錄具官某故
妻歷陽郡夫人陳氏持冊經之三寶應班誠之七篇
相齏白之清貧為日久矣不覩景祐之華顯謂天何
何哉人誰無伉儷之恩國則有衰榮之典昔疏邑
已嘗盼綸綉之言今賜鏡湖惜莫續笄珣之詠可

今妻濟陽郡夫人鄭氏封安完郡夫人

公輔間兩杜之尊朕意所屬婦人有三從之義夫貴
為榮采彤管之徽音盼綵綸之新命具官某妻濟陽

郡夫人鄭氏中全和順外履靖恭荆練隱約之中素
全四德笄珈華顯之後惟守一謙賢哉無出相之言
榮矣值轉廳之拜乃更支郡載錫脂田噫立於王朝
豈無資於內助相在爾室尚益謹於淑儀可

太傅右丞相兼樞密使兼太子少師魯國公賈
似道贈高祖

故高祖進士某贈太師

朕考宰系之肇興自高門之積慶五世始大寔為人
臣不能為之功四室並崇宜有天下未嘗有之報庸
可回地之奏特加褒表之榮具官某故高祖具官某

月旦評高林泉志潔為善矣堅維日不足之心是
有命焉無於天取必之念趣尚每安於隱約勲名乃
集於曾元拊紅柶而聞故疆欲一清於河洛假黃鉞
而督諸將遂再立於乾坤及過鵠閣之歸首定鶴宮
之建煩公調護太子允賴宰工維師清明會朝益加
極品牢辭不已雅志莫回遂彼孝思賁之祝號仲山
甫今儀式百辟有所自來公孫洪徒步至三公茲其
奚遜可

高祖母某氏贈衛國夫人

朕嘉元宰之孝思俞奏篇之馳請高祖考所以助燾

其積者豐先夫人無加號名於配未稱歆華世祀庸
侈國封具官某故高祖母某氏質如珪璋行應箴史
賓夫盡敬何慙梁伯鸞之妻訓子尤嚴不下陶士行
之母天至曾元而定家承忠義之傳方龜山指授之
時與圖幾復至鹿磯掃除之舉宗社再安茲疇調護
之功盍峻褒崇之典維垣之命力遜告廟之寵是祈
有嘉積慶之源何靳涌泉之澤定漢儲之計可酬無
官歌衛女之詩大啟爾宇尚期不昧式對斯榮可
瑞明殿學士朝奉郎簽書樞密院事兼太子賓
客孫附鳳贈三代

故曾祖行之贈太子少保

地中生木本大者寔蕃山下出泉源深者流遠褒輔
臣之三世積善慶於百年具官某故曾祖具官某行
早著於里評學旁通於釋典高情蕭散若向平龐公
之倫警句清新出賈島姚合之上不受區區之榮辱
故能了了於死生既晉其身宜昌厥後噫一老昔居
於白屋見謂鄉先曾孫今拜於紫樞遂班宮保可

故曾祖母曾氏贈永郡夫人

登宥府之弼臣允資廟筭念曾門之壽母宜錫隧章
具官某故曾祖母葉氏族譜高華閨儀清整自娛暮

景細看貝葉之書雖及高年不羨金花之誥相言浸
遠家慶有餘屬聞孫該輔之初峻命婦追封之寵昔
荆棘以配隱者著于鄉評今筭珈而祿小君揭之附
表可

故祖贈調太子少傅

積善之家公侯由出盛德之世子孫必興茲進拜於
梔臣乃推原於祖德具官某故祖具官某弭南州之
耆舊友西蜀之師儒見於立言蓋將規姚似而正嚴
於衛道詎容倡佛老其間容有揚雄寂寞之嘲天知
伯道友愛之意眷子良弼定爾聞孫雖浮榮奮於生

前然極品加於身後噫從孫明復之學孔石行束脩
為讀耶有道之碑貞魏非諛墓者可

故祖母陳氏贈恩平郡夫人

傳曰敬大臣既登宥密祀云諱王母欲慰顯揚乃率
舊章以褒遺美具官某故祖母陳氏冲襟淑善內則
靖嚴牛衣從夫子於隱微相高雅操鶴髮見諸孫之
成立自信義方森然比肩於一門甚矣致身於二府
乃封名郡以表出所噫年垂九齡昔現壽者相秩觀
二品今為君夫人可

故父贈宣教郎子直贈太子少師

運籌決勝之臣惟求同德委質教忠之日必有異聞
爰美禰親用彰儒教具官某故父具官某得葆光之
道樂養素之風傳家有書避世無悶乘少游之馬無
遠近稱為善人認劉寬之牛雖疆暴服其長者閉戶
了無於寸柄過庭各授於一經厥今致臣廼季嗣爾
足食足兵二者才資文武也才是父是子兩手蓋侈
哀榮之典名誇橋梓恩耀松楸噫為何蕃之親昔已
需於裡需贈蕪洵之爵今追拜于官師可

故母安人郭氏贈新興郡夫人

北斗魁樞之位有臣同心凱風寒泉之思無母何恃

乃舉進之典以為該輔之榮具官某故母安人郭
氏七誠之書精三遷之訓切與梁鴻而共隱無辛勤
井白之嗟語伯仁以何憂有高大門閭之意勉以擔
登而從學至於脫珥以贈行惜不見丹桂之芽且特
書彤管之美噫萬鍾五鼎生莫報於親劬副筭六珈
硃果因於子貴可

故妻安人李氏贈德陽郡夫人

外攘之政必樞軸之得人內助之賢不筭珈而偕老
屬方該輔爰命追封具官某故妻安人李氏印班史
之功言寶鼎書之慈儉斷机勤學僅觀夫子之鷓袍

鼓缶悼亡不待小君之象服恩隆兩地澤被重泉噫
北固名山悲往年之埋玉東方佳郡榮此日之燎黃

資政殿大學士中大夫提齊臨安府洞霄宮林
存郊恩贈父母妻

故父已贈太子太師子登特贈少保

朕齋心歲祀熙典告成眷與共改之臣莫陪親饗思
爾教忠之訓爰陟穹班用為幽壤之華式沛漏泉之
澤具官某故父具官某委懷墳籍約已準繩善積於
身得陋巷簞瓢之樂處鍾厥子為清朝柱石之賢雖
極三旌之崇不諧五鼎之養官師告第昔已白於松

楸孤保表阡今乃躋於槐棘可

故母太寧郡夫人王氏贈吉國夫人

朕歲祀國陽加恩寓內陟降庭止駿奔遠想於辟公
瞻望毋兮烏哺難忘於倫紀庸盼餒惠以獎徽音具
官某故母太寧郡夫人王氏秉德靖間存心慈惠有
客剝啄不聞轅釜之救生祀寧馨能率斷机之訓雖
違鼎養屢拜沐封悲哉碩復之懷昭然施報之理宜
小君之象服歿有餘榮敵大國之脂田財從今始

故妻文定郡夫人曹氏贈安康郡夫人

朕肇舉精裡誕敷餒憲駿奔在廟興懷弼諧之忠鶴別

空閨能無伉儷之感事盼新紉庸慰斷絃具官某故
妻文定郡夫人曹氏禮嚴盟匪行合圖史當鄰女夜
績之際益當分光及良人晝繡之時乃不借享雖賁
魚軒之號僅榮馬鬣之財開石窀之封已焚黃誥易
金川之壤如拓粉一歿而有知可以無憾可
資政殿學士通奉大夫提齊臨安府洞霄宮馬
天驥初除贈父母妻

故已父贈太子太師億年時贈少保

眷予舊弼進祕殿之隆名維爾先人積高門之餘慶
參稽典故播告新綸具官某故父具官某志樂丘園

行乎里閨六釐入釣見寧馨得舊之時五馬分符有
戲綵問安之樂惜莫諧於終養不及見於登庸可無
追榮之文以示為善之報昔循唐制真卿已拜於宮
師今法周官公奭宜加於孤保可

故母文定郡夫人劉氏贈東陽郡夫人

祕殿隆名之陟自致良難寒泉聖善之思追懷何極
可無新渥以賁法高具官某故母文定郡夫人劉氏
素謹閨儀尤嚴母訓生兒有此見六釐一釣之時謂
天何哉孤五鼎萬鍾之養積慶源而愈遠宜盛事之
沓來象服甚宜久峻小君之號脂田增拓莫如婺女

之墟水乎于休益昨乃後可

故妻東海郡夫人徐氏贈奉化郡夫人

祕殿峻陞爰薦弼丞之舊空閨久悶誰無伉儷之思

本其至情昇以新渥其官某故妻東海郡夫人徐氏

生于名閨嬪我輔臣現仲卿以牛衣曾無此語錫菲

姜之象服不及其生徒為屏攝之華曷慰藁砧之意

疇其爵邑將綿百世之傳至于海邦莫若十洲之美

其安窻窳茂對寵光

故妻新安郡夫人余氏特贈和政郡夫人

上同前具官某故妻新安郡夫人余氏温恭執德端

靖有儀績薦膠之絃居然靜好蔽魚軒之翟胡不壽

昌當膺湯沐之榮未究芳華之懿詠如何之什固知

淑德之宜易導江之封莫喻慶源之遠

在外執政侍從明堂加恩

資政殿學士中大夫知温州林存可依前資

政殿學士知温州長樂郡開國侯加食三百戶

朕涓送於沆碭之秋裸獻於明概之夕肅在廟備

禮祀之祿容我我奉璋列辟公而顯相念嘗該輔可

後均釐具官某羅星宿於胸中鼓風雷於筆下進居

兩地固已贊紫樞之嚴歸擅一丘未肯為朱轡而出

屬當駢享阻與駭奔升車執玉輅之綏昔承清問援
革草金鷄之詔定獲我心茲哀榮燎之休宜厚祖畬
之錫顧後以尊上帝對越並虔共政惟圖舊人登庸
未晚可

寶章閣直學士大中大夫提舉佑神觀王克謙

可依前寶章閣直學士提舉佑神觀會稽縣開

國男如食邑三百戶

聽履而上星辰相陪迎列欽榮而事天地阻侍親祠
乃錫贊書庸均祭澤具官某迷更任使備著忠勞頃
由台斗之聯忽起鏡湖之興千巖萬壑方尋猿鶴之

游重屋九筵莫助牲牲之薦及告成於熙典爰加拓
於新畬併以圖萬億年益懋無疆之敬歸其邑三百
戶嗣膺滋至之休可

寶章閣學士通奉大夫致仕顏熙仲可依前寶

章閣學士致仕龍溪郡開國侯加食邑三百戶

九筵大饗昔有助祭而來八座近臣前致為臣而去

既秩精裡之禮宜褒勇退之人具官某法從之英時

賢無出卿右者尹墜之績都人至于今稱之勞厭承

明栖遲衡泌早退不營於寵利後凋尚有於典刑阻

侍燔榮就增食采侯封留而願足庶幾徃哲之風駒

在谷而心遐夫豈詩人之意可

資政殿學士中大夫新改差知寧建府林存除

資政殿大學士提舉臨安府洞霄宮

朕眷懷舊弼分割左符潛躍雄藩力辭新刺史之拜
祝釐真館峻加大學士之除吾之股肱寵以體貌真
官某光嶽氣全而所養粹江湖名滿而以文行會英
咀華雅健可追於班馬判花視草輕浮不數於常揚
贊籌帷而慮深參化權而思集拂鬚堂上肯為伴養
而留縮手神間坐見改絃之喜猶脫過軸肩就戟香
赤石揚帆雖暫尋於康樂丹山夢筆已懶訪於文通

雅懷繪洛社之圖適意抱浮丘之袂乃增隆於遠殿
俾均佚於殊廷噫朕敬賢如賓尤重急流之勇退尔
愛君憂國詎容空谷之遐心可

王克謙除寶章閣學士提奉佑神觀

履曳星辰之上識老尚書暈飛奎壁之躔拜真學士
輝煌異數度越常彛共官某冲澹而好脩端凝而有
守南陽親近了無唾孟塵尾之驕北闕眷留但意筆
床茶竈之樂脫屣而去八座挂笏而對千巖昔賀乞
鏡湖官不移於蓬監陸吟笠澤職僅止於松階涉寶
閣之迎聯為錦鄉之佳話噫精調丹鼎勉加輔導之

功行拂塵冠 有喚歸之詔可

楊瑱除權戶部侍郎

奉常起朝儀 尤高九列司徒掌邦教莫重貳卿所急
者才何拘於格其官某端凝不撓剛介無私予舊學
之臣惟甘盤有道德者爾名父之子若敬之生文章
家使籤輔則宣外臺之勞掾省閤則清中書之務乃
起時彥遂長禮官所謂玉帛云乎之言固資雅望乃
若錢穀幾何之問必屬通儒以獎賢勞以昭眷噫昔
者鮮以疾喜聆勿藥之功俾尔壽而藏茂對特荷之
渥可

楊瑱除右文殿修撰知寧國府

訪萬洪之丹砂確乎摧尚懷買臣之印綬寵以陸名
莫得而留乃華其出具官某昔子雲之遠裔吾井盤
之舊家贊左右丞之勞日無停筆副禮樂卿之事時
謂清才甫擢禁嚴偶親湯液才聳聞於獻納乃力乞
於便安畀澄江如練之州小需華次訪天台采藥之
徑暫返故鄉進退格如春懷濃甚噫峻井論換為外
法從之美除喻想風謠嘆新使君之來暮可

陳顯伯除端明殿學士提舉佑神觀

翰林逼華蓋之地在改紀以初除朝廷半老儒之時

獨加壁而莫致庸陞書殿俾佚琳宮具官某冠冕三山之勝流領袖諸賢於禁路潤色之妙非世叔子羽之所能調護之功在綺季黃公之未至若鵠奔鴻冥而避弋無猿驚鶴怨之移文日月之翳雖除風雲之懷不入詔無遜旨詩有遐心馮道去學士兩人蓋艱茲遠若水下神仙十符始遂其高可

陳顯伯贈銀青光祿大夫

側席有懷招以虞旌而不至垂車未幾傷哉魏鑑之已亡爰陟穹階以華出壤其官某其學根茂而寔踐其文体大而思精潤色皇猷久擅常揚之譽羽翼儲

最先園綺之游士鋒方熾而拂衣化瑟雖更而袖手昔疾今愈漸開藥叢之棘町食宵衣尚冀蒲輪之就云胡仙去曾不慙遺帝成玉樓既有李賀之召朕盼銀信不見鄴侯之婦可

寶謨閣直學士正奉大夫提舉江州太平興國宮表商依前寶謨直學士轉宣奉大夫致仕

黃冠均佚緬懷聽履之賢皓首辭勞力請垂車之適莫回雅尚爰錫息言具官某襟度粹和議論宏遠早傳奧學鯉趨親得於孔庭晚際明時豹尾久參於漢雍方搏九萬里而上穩下百尺筭而耒已及鈞璜之

年每安考樂之樂朕尚敢有謀則就尔乃致為臣而
歸陟左光祿之舊階林官甚寵奉先正獻之遺訓繼
志有光可

袁商贈特進

履班舊老樂三狂以歸弓函奏遺言嗟一鑑之士矣
乃加優渥以獎幽潛具官甚早接勝流晚為名從父
兄傳箕裘之素相繼起家伯仲參筆橐之聯惜皆即
世獨優游而華髮聚景慕其清標飯不忘君雖栖遲
於衡泌耄而稱道尚簡記於朝廷還笏之志甚堅拖
紳之語不乱載嘉定力宜厚愍章慙遺一老之哀悽

其追悼時進群公之表用以飾終可

故通議大夫右文殿脩撰致仕威士遜贈宣奉大夫

持荷既久迫耄及之期還笏未幾何天奪之速側其
遺奏陟以崇資具官某傑作金穀長身玉立唐初瀛
洲學士虞褚之倫漢家甘露從巨產徐其遜論思有
補出處無疵屬既厭於承明乃歸乘於下澤雅意釣
游之樂興俄殄瘁之悲憶起耆舊於九原典刑已遠
光祿之一等異渥有知可

故朝議大夫新除權戶部侍郎致仕鄭雄飛
贈通議大夫

荷囊進律遽聞湯液之親草奏辭榮竟推衣冠而去
 嘗陪邇列宜陟崇資具官某有古君子之風在時間
 人之且螭坳初擢方渴遂良之言鶴禁未開已學韓
 維之拜功既多雅調護論亦釐於忠嘉扈蹕甘泉甫
 參於法從巾車粟里驟逐於仙游豈富貴之逼人抑
 修短之有數噫懷賢亡鑑莫起於地中遷秩書棺俾
 題於宰上可



故通奉大夫寶章閣待制致仕陳振孫贈光

祿大夫

疏傳賢哉方遂揮金之樂魏公逝矣可勝亡鑑之悲

於以飾終為之攬涕具官某其文秋濤瑞錦其姿右
 相寒松早號醇儒得淵源於伊洛晚稱名從欲輩行
 於乾淳若鳳儀麟獲而來以鱣舞狐嗥而去生芻一
 束莫挽於遐心寶帶萬釘少旌於耆德尚期難老胡
 不怒遺噫德比陳太丘素負海內之望官如顏光祿
 用為宰上之題可

後村先生大全集卷之七十五



後
木
先
生
大
全
集

東
石
堂

